

Atortussat inuussutissianut attuuttussat pillugit Kalaallit Nunaannut nalunaarut

Inuussutissiat il.il. pillugit inatsisip Kalaallit Nunaanni atuutilersinneqarnissaanik peqqussummi § 10, imm. 1, § 27, imm. 2, § 57, imm. 1, aamma § 69, imm. 3 naapertorlugit aalajangersarneqarput:

Kapitali 1

Atuuffii

§ 1. Nalunaarut atuutissaaq atortussanut aamma sunulluunniit allanut (kinguliini atortussat inuussutissianut attuuttussat –nik taagorneqartut), ilanngullugit poortuutissiat nioqqutissiamut illersuutissatut naleqqussakkat:

- 1) inuussutissianut attuuttussiatut suliat
- 2) siunertarisanut naapertuuttumik inuussutissianut attuutsinneqareersut, imaluunniit
- 3) inuussutissianut attuutsinneqartussatut pissutissalimmik ilimagineqarsinnaasut, imaluunniit sunik suliaanertik tunngavigalugu nalinginnaasumik atorneqarnerminni atorneqassagunilluunniit inuussutissianut sunniiviginnissinnaasut.

Imm. 2. Nalunaarut aamma atuutissaaq inuussutissianut suliarinninnerni tuniniaanernilu atortussanut inuussutissanut attuuttussanut atuutsinneqareersunut.

Imm. 3. Nalunaarut makkununnga atuutissanngilaq:

- 1) atortussat inuussutissianut atuuttussat, qangarnitsatut eriagisassatut tunniussaasunut, aamma
- 2) qallitit matuliussallu s.ass. neqinik qallersuutissanillu nioqquteqarfinni inuussutissiat ilaattut suliaasut inuussutissanullu ilanngullugit nerineqarsinnaasut.

Imm. 4. Nalunaarut atuutissanngilaq sullivinnut, taamaallaat inuussutissianik Kalaallit Nunaani tuniniagassanik tunisassiortunut imaluunniit sullivinnut inuussutissianik uumasuneersuunngitsunik tunisassiortunut.

Kapitali 2

Nassuiaatit

§ 2. Tunisivissarsiornermik pineqarput atortussanik inuussutissianut attuuttussanik pigisaqareerseq tuniniaanissaq siunertaralugu, ilanngullugit tuniniaanikkut neqerooruteqartarnerit imaluunniit allatut tunniussaqtarnerit akiliuteqartitsinikkut akiliutitaqanngitsumilluunniit pisartut aamma tuniniaaneq nammineq, agguataarinerit allatullu iliornikkut tunniussuisarnerit.

Imm. 2. Ingerlatsivimmik pineqarpoq tamanut ammasumik pisortatigoortumik imaluunniit inuinnartut suliassaqarfik, iluanaarutitalimmik iluanaarutitaqannginnissarlunniit siunertaralugu suugaluartunilluunniit suliaraqfiusoq atortussanik inuussutissianut attuuttussanik piliorerup, sanaartorerup imaluunniit tunniussuinerup ilaatut.

Imm. 3. Sullivimmik siulersuisumik pineqarput inuk imaluunniit taanna sinnerlugu inatsisitigut aqutsisuusut ingerlatsivimmi siulersuisuuffigisami nalunaarutip matuma aalajangersakkanik malinninnissamat akisussaaffiginnittuusut.

Imm. 4. Malussarsinnaassutsumik pineqarput atortussamik inuussutissianut attuuttussamik malugisassarsiorluni malinaaffiginninnissaq piliorerit, sanaartorerit tunniussuinerillu ilaat tamaasa aqqutigalugit.

Imm. 5. Piliornerup tungaatigut suleriaatsinik pitsaasunik pineqarput pitsaassusissamik qularnaarinnermut tunngasut, atortussanik inuussutissianut attuuttussanik piliornerni sukulluunniit qularnaarisuusut, aamma misissorneqartartussat malittarisassanut, atornerqarfissaannut naleqqiullugu inuit peqqissusiannik aarlerinartorsiortitsinatik, pitsaassusissatigut najoqqutassianut naapertuuttuunerat atorfissaannulluunniit mamassutsitigut innarliinnginnissaat qularnaarniarlugu.

Imm. 6. Pitsaassutsitigut isumannaallisaariaatsini pineqarput iliuusissat atuleriikkat tamakkiisumik uppernarsaatissalimmillu inernerisaat, qularnaarniarlugu atortussat inuussutissianut attuuttussat tamakkununga atortitatut malittarisassanut pitsaassusissatullu najoqqutassianut atorfissaasa tungaasigut siunertarisanik sanioqutitsisussaangitsunut naapertuuttuunissaat.

Imm. 7. Pitsaassutsitigut isumannaallisaariaatsini pineqarput pitsaassusersiueriaatsit pilersinnagit aqqissuusatut iliuuseqarnerit, qularnaarisussallu atortussani inuussutissianut attuuttussani stoffit aallaaviusinnaasut, atortussat inivinnagit suliat aamma inivillugit suliat pitsaassutsinik isumannaallisaariaatsini aalajangersarneqartuni immikkut taagukkanut naapertuuttuunissaannik.

Imm. 8. Atortussani inuussutissianut attuuttussani inuussutissianut attuutsitassatut naatsorsuussaangitsuni pineqarpoq atortussap inuussutissianut attuuttussiap qalliutaa silarleq, inuussutissianut toqqaannartumik atuuttussaangitsoq.

Imm. 9. Inuussutissianut attuuttussatut qalliutaanik pineqarpoq atortussap inuussutissiamut toqqaannartumik atuuttussap qalliutaa.

Imm. 10. Fødevarestyrelsen pisortatut nakkutilliisoqarfiuvoq.

Imm. 11. Nakkutilliisutut pisortamik pineqarpoq inuussutissianut aqutsisoqarfik, Fødevarestyrelsen, allalluunniit nunagisami taamatulli inuussutissianut uumasullu nakorsaasa susassaqarfiini pisinnaatitaasut.

§ 3. Suulluunniit keramiskiusut, atortussat inuussutissianut attuuttussatut naatsorsuullugit poortuutissiat nioqqusiamut illersuutissatut naleqqussakkat, cellulosenit suliareqqitanit suliatut foliet, plastit tamakkualu ilaat pillugit nassuiaatit aamma migrationstest-imut il.il. attuumassutilittut oqariaatsit pillugit nassuiaatit ilanngussaq 1-imut innersuunneqassapput.

Kapitali 3

Piumasaqaatit

Tamanut tunngasutigut piumasaqaatit

§ 4. Atortussat inuussutissianut attuuttussiat, ilanngullugit poortuutissiat inuussutissiamut illersuutissatut naleqqussakkat, suliarineqartassapput sanaartornerni periaatsinut pitsaasunut naapertuuttumik, taamaalilluni pissusissamisoorutumik imaluunniit siuningaaniit nalunngeriikkatut atornerqarnerminni inuussutissianut ima annertutigisunik sunniisinnaaqunagit

- 1) inuit peqqissusiinut aarlerinartorsiortitsisinnaasunik,
- 2) inuussutissiap katitigaaneramik akuersaarneqarsinnaangitsumik allannguuteqartitsisinnaasutut, imaluunniit
- 3) inuussutissiap mamassusianik/tipiginneranik allannguuteqartitsisinnaasutut.

Imm. 2. Atortussanik inuussutissianut attuuttussianik ussassaarutit aamma allagartalersuutit nittarsaassinerillu atuisussanut paasinerluiniutaassanngillat.

Atortussat inuussutissianut attuuttussiat plastinit suliareqqitat pillugit immikkut piumasaqaatit

§ 5. Atortussat inuussutissianut attuuttussiat plastinit suliareqqitat aatsaat nioqqutaasinnaapput atortussat suullu inuussutissianut attuuttussat naatsorsuullugit plastinit suliareqqitat aamma peqqussutip (EF) nr. 2023/2006-ip allannguutai pillugit Kommissionip (EF) peqqussutaanut nr. 282/2008 27. marts 2008-meersumut naapertuuttuusut.

Imm. 2. Plastinit suliareqqitanit atortussat inuussutissianut attuuttussiat naapertuutissapputtaaq nalunaarummi matumani plast pillugu malittarisassianut.

Poortuutissiat inuussutissiamut attuuttussatut illersuutissatullu naleqqussakkat pillugit immikkut piumasaqaatit

§ 6. Poortuutissiat inuussutissiamut attuuttussatut illersuutissatullu naleqqussakkat taamaallaat nioqqutigineqarsinnaapput atorfissaminnut piukkunnaateqarlutillu atorluarsinnaassuseqarpata.

§ 7. Atortussat inuussutissiamut attuuttussatut illersuutissiat taamaallaat inuussutissiap akuugaanerani imaluunniit mamassusissaanik allannguuteqartitsisinnaassapput allannguutit inuussutissiat ilaat pillugit aalajangersakkanut s.ass. inuussutissiat ilaannut akuliussassat il. il. pillugit Kalaallit Nunaannut nalunaarummi aalajangersakkanut naapertuuttumik.

Imm. 2. Stoffit atortussani inuussutissianut attuuttussiani ilisimareerlugu inuussutissiamut taassumaluunniit avatangiisaanut sunniussatut akuliussat akuliussassatut naatsorsuunneqassapput inuussutissianik nalunaaqqutsersuisarneq pillugu Kalaallit Nunaannut nalunaarussmi § 16, imm. 2 malillugu, taamaalillutillu nalunaaqqutsersuineri ilaassallutik.

Imm. 3. Atortussat inuussutissiamut attuuttussatut illersuutissiat inuussutissiap akuugaanerani imaluunniit mamassusissaanik allannguuteqartitsisinnaassanngillat atuisusanut paasiuminaatsitsisumik, s.ass. inuussutissiap asiulerneranut takussaajunnaartitsisumik.

Imm. 4. Atortussat inuussutissiamut attuuttussatut naleqqussakkat inuussutissiap pissusianik atuisusanut paatsiveerussaataasunik paasissutissartaqassanngillat.

Kapitali 4

Piliortaatsitigut periaatsit pitsaasut

§ 8. Sullivinni aqutsisuusut nakkutigissavaat piliornertigut periaatsit makkununga naapertuuttumik ingerlanneqarnissaat:

- 1) nalunaarummi matumani §§ 9-11-imi piliortaatsitigut periaatsit pitsaasut pillugit nalinginnaasumik malittarisassat, aamma
- 2) ilangussaq 2-mi piliortaatsitigut periaatsit pitsaasut pillugit sukumiisumik malittarisassat.

§ 9. Sullivinni aqutsisuusut pitsaassusissanik qularnaarissutinik atorluarsinnaasunik uppersakkanillu pilersitsillutillu naammassinnissapput. Pitsaassusersuineri:

- 1) pingartinneqassaaq pisariaqarneratut sulisussanik immikkut ilisimasalinnik pisariaqarneratullu pikkorissusilinnik immikkoortitsinissaq, aamma init atortulersusersukkat aaqquissuunnissaat, taamaalilluni qularnaarsinnaarumallugu atortut inuussutissianut atuuttussat inikkat malittarisassanut tamakkununga tunngasunut naapertuuttuunissaat, aamma
- 2) sulliviup angissusia eqqarsaatigalugu atorneqarnissaat sullivimmik aqutsisuusup ingerlataanik taamaalilluni sullivimmut ajornartorsiutaaleqqunagu.

Imm. 2. Ilioriaatsit tamarmik ingerlanneqassapput ilitersuusianut periaatsissanullu siuningaaniit aalajangersakkanut naapertuuttumik.

§ 10. Sullivinni aqutsisuusut pitsaassutsinik misissuisarnernik sunniutilinik pilersitsillutillu ingerlatsiuassapput.

Imm. 2. Pitsaassutsinik misissuisarnerni ingerlatsinernik aamma pitsaasumik piliornep tungaatigut eqquutsitsinissamik alaatsinaarineq ilaassaaq, kukkunerusinnaasullu tamarmik iluarsineqarnissaannut iliuusissiortoqassaaq pilioriaatsimut pitsaasumut naapertuuttumik. Iluarsiiviginninnissamut iliuusissiat taama ittut sapinngisamik piaartumik atulersinneqassapput pisortanullu oqartussaasunut takuneqarsinnaatitaassapput misissuisarnissaq siunertaralugu.

§ 11. Sullivinnik aqutsisuusut pappialatigut qarasaasiatigulluunniit uppernarsaatissanik naleqquttunik pilersitsillutillu atugassaqartuassapput atortunik inuussutissianut attuuttussanik piliornernut nassuiaatit, peqqussusiat suleriaatsillu tungaasigut taamaalilluni atortut inikkat ilanngullugit inuussutissiat isumannaatsuunissaat eqqarsaatigalugu malittarisassanut naapertuuttuussammata.

Imm. 2. Sullivinnik aqutsisuusut pappialatigut qarasaasiatigulluunniit uppernarsaatissanik naleqquttunik pilersitsillutillu atugassaqartuassapput atortunik inuussutissianut attuuttussanik piliornerni periaatsit assigiinngitsut pillugit allatukkat tungaasigut taamaalilluni atortut inikkat ilanngullugit inuussutissiat isumannaatsuunissaat pitsaassusersiuisarnerlu eqqarsaatigalugit malittarisassanut naapertuuttuussammata.

Imm. 3. Sullivinnik aqutsisuusup uppernarsaatissat pisortatut oqartussaasut takujumappatigik atugassiissutigissavai.

Kapitali 5

Paasissutissarsiviusinnaasut

§ 12. Atortuni inuussutissianut attuuttussani paasissutissarsiviusinnaasut tamarmik qularnaatsumik takupallanneqarsinnaassapput taamaalilluni nakkutilliineq, amigaatilittut sulianik utertitsinissaq, atuisunut paasissutissiisarneq aamma akisussaaffiliinissaq pisariinnerulissammata.

Imm. 2. Teknologimik atuisinnaanissaq pissusissaatut ingerlassinnaajumallugu sullivinnik aqutsisuusut ataqatigiissaakkatut periaasissiuassapput tamatumuuna atortut inuussutissianut attuuttussat sullivinnit suniit sullivinnullu sunut tunineqarnerat paasineqarsinnaanngorlugu. Sullivinnik aqutsisut paasissutissanik tamakkuninnga pisortanit oqartussaasunit qinnuigineqarnikkut takusassiinnaassapput.

Imm. 3. Atortut inuussutissianut attuuttussat nioqqutigineqartussat suminngaanneersuoneri paasineqarsinnaassapput naleqquttunik aaqqissuussinertigut soorlu nalunaaqqutsersuutitigut imaluunniit pineqartunut uppernarsaatissatigut, paasissutissiissutitigut paasineqarsinnaanngorlugit.

§ 13. Atortunik inuussutissianut attuuttussanik piliornerni sullivinnik aqutsisuusup, tunisassiorup imaluunniit eqquussuisup pissutissalimmik pasitsaakkuniuk atortut inuussutissianut attuuttussiat sullivinniit tunisassiaasut, nunamut eqquussugaasut imaluunniit agguaassaasut inuussutissiat isumannaatsuunissaannut piunasaqaatinut naapertuutinngitsut, aamma tamakkuninnga tunisassiat sullivinni aqutsisuusumit, tunisassiorumit eqquussuisumilluunniit nakkutigineqarunnaartut, taava iliuusissatut malittarisassiussaaq atortut inuussutissianut atuuttussiat pineqartut nioqqutaajunnaarsinnissaat pillugu. Sullivinnik aqutsisuusup, tunisassiorup imaluunniit eqquussuisuusup Fødevarestyrelsi tamatuminnga paasissutissipallassavaa.

Imm. 2. Atortut inuussutissianut atuuttussiat atuisussanut anngutereersimappata, sullivinnik aqutsisuusup, tunisassiorup eqquussuisulluunniit atuisut iluamik eqqortunillu paasissutississavai

nioqqusiat utertinneqarsinnaaneritut pissutaasunik. Pisariaqassappat sulliviup nioqqusiat atuisuniit uterteqqusinnaavai.

Kapitali 6

Uppernarsaatitigut nalunaarutitigullu piumasagaatit immikkut ittut

§ 14. Atortut inuussutissianut attuuttussiat ilanngussaq 3-mi aalajangersakkat naapertorlugit ilaqartinneqartassapput naapertuuttuunerannut uppersarsaatinik. Tamatuma saniatigut sullivimmik aqutsisuusup qinnuigineqarnikkut pineqartut pillugit tunngavigisanut uppersarsaatissat tunniuttassavai, tak. ilanngussaq 3.

Imm. 2. Imm. 1-imi oqaaseqatigiit siulliit eqquutsinneqartutut isigineqassapput naapertuuttuuneq pillugu uppersarsaatitit nalunaarutit tunisassioortup imaluunniit eqquussuisup mappersagaaniippata aamma attaveqarfigisat sinneri tamatuminnga paasissutissinneqarsimappata.

Kapitali 7

Nalunaaqquatersuineq

§ 15. Atortut inuussutissianut attuuttussat nioqqutigineqarnerminni inuussutissianut suli attuutsinneqanngitsut makkuninnga ilaqartinneqartassapput:

- 1) "inuussutissamut attuuttussaq" taallugu imaluunniit atorfigisat immikkut allallugu, soorlu kaffiliut, puiaasat viinnit, alussaat suppetuut imaluunniit ilisarnaat ilanngussaq 4-mi taaneqartoq,
- 2) pisariaqarpat immikkut ilitsersuutit, malinneqartussat, atortut inuussutissamut attuuttussiat isumannaatumik eqqortumillu atorfiginissaat pillugu,
- 3) ateq imaluunniit firmap aqqa aamma taakku tamaasa pillugit najugaq imaluunniit nioqqutillip akisussaaffiginittup malittarisassatigut najugaqarfia,
- 4) nalunaaqquatersuut imaluunniit atortuni inuussutissianut attuuttussani suminngaanniit pisuuneritut paasissutissarsiviusinnaasut naleqquttut, tak. kapitali 5, aamma
- 5) atortunut inuussutissianut attuuttussianut tunngatillugu akuerisatut atuuffissaat pillugit allatigullu taakkununga tunngasumik paasissutissat, s.ass. stoffit inuussutissiap piusinnaaneranut illersuutitut sunniuttartut, taamaalilluni inuussutissiorfinni aqutsisut atortunik pineqartunik atuisussat pineqartut pillugit ataatsimut aalajangersakkanik imaluunniit taama ittut pigineqanngippata nunami pisisussami inuussutissiat pillugit aalajangersakkanik, ilanngullugit inuussutissianik nalunaaqquatersuisarnerit, eqquutsitsisinnaanngorlugit.

Imm. 2. Paasissutissalli imm. 1, nr. 1-imi pineqartut pissuserisatik tunngavigalugit inuussutissianut attuuttussiaasut eqqarsaatigineqanngillat.

Imm. 3. Imm. 1-imi paasissutissat piumasagaataasut takupallanneqarsinnaallutillu atuaruminartuussapput piarneqarsinnaasuussanattillu.

Imm. 4. Imm. 1-imi piumasagaataasut paasissutissat ukunani allassimassapput:

- 1) uppersarsaatitit ilaatinneqartuni,
- 2) allagartaliussani imaluunniit poortuutini, imaluunniit
- 3) atortuni inuussutissianut attuuttussiani namminerni.

Plastimit suliareqqitatut atortunik tamakkunanngalu pilianik nalunaaqquatersuineq

§ 16. Atortussani inuussutissianut attuuttussiani plastimit suliareqqitami akuusunik nammineq kajummissutsimik nammineerluni nittarsaassisarnermi ISO 14021:1999-imi assigisaanniluunniit malittarisassiat malinneqartassapput.

Atortut inuussutissiamut attuuttussat illersuutissatut naleqqussakkat pillugit nalunaaqutsersuisarnermi ilassutitut aalajangersakkat

§ 17. Atortut inuussutissiamut attuuttussat illersuutissatut naleqqussakkat inuussutissianut attuutinneqareersimasut naleqquttumik iliornikkut nalunaaqutsersorneqartassapput, taamaalilluni atuisussamit nerineqarsinnaanngitsortaat suussusersineqarsinnaanngorlugit.

Imm. 2. Nerineqarsinnaanngitsortaat atuisussanit suussusersineqarsinnaaqullugit atortut inuussutissiamut attuuttussat illersuutissatut naleqqussakkat tamakkualuunniit ilaat nerineqarsinnaasutut paasineqarsinnaappata nalunaaqutsersorneqartassapput:

- 1) ”NERINEQARSINNAANNGILAQ”-mik allagarserlugit, aamma
- 2) tamanna teknikikkut ajornassanngippat ilanngussaq 5-imi assilisatut ilisarnaaserlugit.

Imm. 3. Imm. 2-mi paasissutissatut piumasaqaataasut takupallanneqarsinnaasuullutillu atuaraminartuussapput piiarneqarsinnaassanatillu. Paasissutissat naqinnerit minnerpaamik 3 mm-iusut angissusillit atorlugit naqitaassapput nalunaarummilu matumani § 15-imut naapertuuttuussapput.

Imm. 4. Atortut inuussutissiamut attuuttussat illersuutissatut naleqqussakkat naleqquttumik iliornikkut nalunaaqutsigaassapput, taamaalilluni takuneqarsinnaaqullugu atortup inuussutissiamut illersuutissatut naleqqussagaanera.

Kapitali 8

Atortut suullu piliarineqartut ilaat pillugit atuuffissatigut patsisissaatitat il. il. immikkut ittut

Cellulosenit suliareqqitatut folie

§ 18. Cellulosenit suliareqqitatut folie ilanngussaq 1, nr. 7, litra a-mi aamma b-mi pineqartutut ittoq taamaallaat atorneqassaaq ilanngussaq 6-imi allassimassimasutut stoffinik imaluunniit stofgruppenik akulik, aamma taamaallaat tassani patsisissaatitatut aalajangersakkat tunngavigalugit, taamaattoq tak. imm. 3.

Imm. 2. Cellulosenit suliareqqitatut foliat ilanngussaq 1, nr. 7, litra c-mi eqqartorneqartut qallusersorneqartinnagit taamaallaat suliarineqartassapput stoffinik imaluunniit stofgruppenik ilanngussaq 6-imi taaneqartunik, aamma tassani patsisissaatitat kisiisa tunngavigalugit. Ilanngussaq 1, nr. 7, litra c-mi foliat taaneqartut qallusersorneqartassapput stoffinik imaluunniit stofgruppenik plastimik atortussiat suullu suliat inuussutissianut attuuttussiat pillugit peqqussummut (EU) nr. 10/2011, 14. januar 2011-meersumut ilanngussaq 1-imi taaneqartunik tassanilu § 22 naapertorlugu patsisissaatitatut aalajangersakkat taamaallaat tunngavigalugit, taamaattoq tak. imm. 2.

Imm. 3. Stoffit imaluunniit stofgruppet allat atorneqarsinnaapput qalipaatisiatut imaluunniit nipititerutitut, stoffit taakku inuussutissianut sunniiviginnissanngippata.

Imm. 4. Atortut inuussutissianut attuuttussat cellulosenit suliareqqitanit piliaasut ilanngussaq 1, nr. 7, litra c-mi eqqartorneqartutut ittut nalunaarummi matumani plast pillugu malittarisassianut naapertuuttuussapput.

§ 19. § 18-imi aalajangersakkat atortinneqassanngillat inalukkanut cellulosenit suliareqqitanit piviusuusaartitanut.

§ 20. Foliat cellulosenit suliareqqitanit suliaasut naqinnernik allaffigisat inuussutissianut attuutinneqassanngillat.

Plast

§ 21. Stoffit, kommissionip plastimit atortussiat suullu tamakkuninnga suliaasut pillugit peqqussutaanut (EU) nr. 10/2011, 14. januar 2011-meersumut ilanngussaq 1-imi taagorneqartut kisimik inuussutissianut attuutsinneqarsinnaasut plastinik atortussiani sunillu allanik plastinik qaleriiaanik sanaartornernut atorneqarsinnaapput, taamaattoq tak. § 22, imm. 1, 2 aamma 5.

Imm. 2. Plastinik atortussiat suullu allat tamakkuninnga suliaasut pillugit Kommissionip peqqussutaanut (EU) nr. 10/2011, 14. januar 2011-meersumut ilanngussaq 1-imi pineqarput:

- 1) monomerer-it stoffillu allat aallaaviusartut,
- 2) additiver-it taamaallaat qalipaatisiat pinnagit,
- 3) stoffit suliarinninnerni ikiutissiat (polymerisationshjælpestoffer) taamaallaat arrorsaait pinnagit, aamma
- 4) makromolekylit mikrobiel fermentering-ikkut piliat.

§ 22. Stoffit allat Kommissionip peqqussutaanut (EU) nr. 10/2011, 14. januar 2011-meersumut ilanngussaq 1-imi taagorneqartunit allaanerusut polymerisationshjælpestoffitut atorneqarsinnaapput plastimit atortussianik sunillu tamakkuninnga sulianik piliornernut nunami pisiortortussami inatsisit naapertorlugit.

Imm. 2. Stoffit qalipaatisiat arrorsaaitillu atortuni inuussutissianut attuuttussani plastinik qaleriiaanik piliornernut atorneqarsinnaapput nunami pisiortortussami inatsisit naapertorlugit.

Imm. 3. Stoffit makku, Kommissionip peqqussutaani (EU) nr. 10/2011, 14. januar 2011-meersumi taaneqanngitsut akuersissutigineqarsinnaapput, tak. § 23-27:

- 1) aluminium-, ammonium-, barium-, calcium-, cobalt-, kanngussaq-, savimineq-, lithium-, magnesium-, mangan-, kalium-, natrium- aamma zinksalte (ilanngullugit dobbeltsalte aamma sure salte) syrinit akuerisanit piliat, phenoler aamma alkoholer,
- 2) stoffinik akuerisanik akoorinikkut piliat immikkuualuttut akornini kemimik atuiffiunngitsut,
- 3) polymere stoffit atorneqanngitsut imaluunniit akusat, taamaallaat makromolekylit mikrobiel fermenteringikkut pilersitat, minnerpaamik 1.000 Da-mik molekylvægt-illit additiver-itut atorneqarsinnaasut aamma Kommissionip plastinik atortussiat suullu inuussutissianut attuuttussatut piliat pillugit peqqussutaani (EU) nr. 10/2011-mik 14. januar 2011-meersumi piunasaqaatinik naammassinnittut pinnagit, tamakkua atortuni allatulluunniit suliani inikkani pingaarnertut ilaappata, aamma
- 4) stoffit præpolymer-it aamma atorneqanngitsut akusallu makromolekylæriusut, monomer-itut allatulluunniit tunngaviusutut atorneqartussat, taamaallaat makromolekyler-it mikrobiel fermentering-ikkut suliaasut pinnagit tamakkua akussaattut pisariaqartinneqartut plastinit atortussiat suullu piliat inuussutissianut attuuttussat pillugit Kommissionip peqqussutaanut (EU) nr. 10/2011, 14. januar 2011-meersumut ilanngussaq 1-imi allassimasuunissaat naatsorsuutigalugu.

Imm. 4. Stoffit makku plastinit atortussiat suullu inuussutissianut attuuttussat pillugit Kommissionip peqqussutaanut (EU) nr. 10/2011, 14. januar 2011-meersumut ilanngussaq 1-imi allassimanngitsut atortuni inuussutissianut attuuttussani plastit qaleriiaarnerini siumugassaasinnaapput:

- 1) stoffit siunertarinagu akuliussat

2) polymerisationsstoffit.

Imm. 5. Additiver-it plastinit atortussiat suullu inuussutissianut attuuttussat plastinit atortussiat suullu piliat inuussutissianut attuuttussat pillugit Kommissionip peqqussutaanut (EU) nr. 10/2011, 14. januar 2011-meersumut ilanngussaq 1-imi allassimangitsut nunap pisiortortussap inatsisaanut naapertuuttumik atorneqarnerat ingerlaannarsinnaavoq, plastinit atortussiat suullu inuussutissianut attuuttussat pillugit Kommissionip peqqussutaanut (EU) nr. 10/2011, 14. januar 2011-meersumut ilanngussaq 1-imut ilanngunneqarnissaannik aalajangiisoqarnissaa tikillugu.

Stoffit pillugit nalinginnaasumik piumasagaatit

§ 23. Stoffit, atortuni plastinit inuussutissianut attuuttussani qaleriiaanik piliornernut atorneqartussat teknikikkut pitsaassuseqassapput minguissuseqarlutillu, atortussiat taama ittut atuuffissaatut eqqarsaatigisanut naleqquttumik. Akuugaanera stoffinik piliortuusumit ilisimaneqariissaaq paasiumaneqarpallu pisortanut oqartussaasunut paasissutissiissutaassaaq.

Stoffinut piumasagaatit immikkut ittut

§ 24. Stoffit, atortuni plastinit inuussutissianut attuuttussani qaleriiaanik piliornernut atorneqartussat annikillisaatinik nassuiaatinillu makkuninnga eqquutsitsissapput:

- 1) aniasinnaasunut (migration) killissarititaq immikkut ittoq, tak. § 26,
- 2) migrationimut tamarmiusutut killissarititaq, tak. § 27,
- 3) annikillisaatit nassuiaatillu, plastinit atortussiat suullu piliat inuussutissianut attuuttussat pillugit Kommissionip peqqussutaanut (EU) nr. 10/2011, 14. januar 2011-meersumut ilanngussaq 1-imi tabel 1, kolonne 10-mi taaneqartut, aamma
- 4) sukumiisumik nassuiaatit Kommissionip peqqussutaanut (EU) nr. 10/2011, 14. januar 2011-meersumut ilanngussaq 1-imi, punkt 4-mi taaneqartut.

Imm. 2. Stoffit nanofom-iusut taamaallaat atorneqarsinnaapput erseqqivissumik akuerisaallutillu taaneqarsimagunik plastinit atortussiat suullu piliat inuussutissianut attuuttussat pillugit Kommissionip peqqussutaanut (EU) nr. 10/2011, 14. januar 2011-meersumut ilanngussaq 1-imi nassuiaatini.

Plastinit atortussiat inuussutissanut attuuttussiat pillugit nalinginnaasumik annikillisaatit

§ 25. Ilangussaq 7-imi plastinit atortussiani inuussutissanut attuuttussiani minguit ilaannut nalinginnaasumik annikillisaatit aalajangersagaapput.

Aniasinnaasunut (migration) killissarititat immikkut ittut

§ 26. Plastinit atortussiat inuussutissanut attuuttussat akuminnik inuussutissianut sunniiviginissannngillat aniasinnaasunut (migrationinut) killissarititanit immikkut ittunit (SMG) plastinit atortussiat suullu piliat inuussutissianut attuuttussat pillugit Kommissionip peqqussutaanut (EU) nr. 10/2011, 14. januar 2011-meersumut ilanngussaq 1-imi aalajangersarneqartunit annertunerusunik. Migrationinut killissarititat immikkut ittut taakku inuussutissiami kg.-imi ataatsimi stoffit mg-inngorlugit (mg/kg) taaneqarput.

Imm. 2. Stoffit plastinit atortussiat suullu piliat inuussutissianut attuuttussat pillugit Kommissionip peqqussutaanut (EU) nr. 10/2011, 14. januar 2011-meersumut ilanngussaq 1-imi migrationinut immikkut killiliiffigineqanngitsut allatigullunniit annikilliliiffigineqanngitsut pillugit migrationinut killiliissut 60 mg/kg. ataatsimut immikkut atuutissaaq.

Imm. 3. Imm. 1 aamma 2 apeqqutaatinnagit additiverit, aamma stoffitut inuussutissiat ilaannut akuliussassat il. il. pillugit, imaluunniit aromatut atugassiat pillugit aamma Rådip peqqussutaata peqqussut (EØF) nr. 1601/91, peqqussutip (EF) nr. 2232/96-ip, peqqussutip (EF) nr. 110/2008-p, peqqussutillu 2000/13/EF-ip allannguutaannik Europa-Parlamentip Rådillu peqqussutaatigut (EF) nr. 1334/2008, 16. december 2008-meersukkut, Kalaallit Nunaannut nalunaarutikkut aromatut akuerisat, inuussutissianut akuliunneqassanngillat ima annertutigisutut inuussutissiamut inerlugu suliamut teknikikkut sunniuteqartussamik, soorlulu:

- 1) killilersuutit aromat aamma inuussutissianut akuliussassat ilaat inuussutissiani inuussutissianullu aromatut atugassiat pillugit aamma Rådip peqqussutaat (EØF) nr. 1601/91, peqqussutip (EF) nr. 2232/96-ip, peqqussutip (EF) nr. 110/2008-p, peqqussutillu 2000/13/EF-ip allannguutaat pillugit Kalaallit Nunaannut nalunaarummi aamma Europa-Parlamentip Rådillu peqqussutaanni (EF) nr. 1334/2008, 16. december 2008-meersumi, imaluunniit plastimik atortussiat -piliallu inuussutissianut attuuttussiat, inuussutissiat additiverit pineqartut inuussutissianut akussatut aromatut atugassiat pillugit Kommissionip peqqussutaanut (EU) nr. 10/2011-imut 14. januar 2011-meersumut ilanngussaq I-imi aalajangersarneqartut qaangersimassanagit, imaluunniit
- 2) killilersuutit, plastimik atortussiat -piliallu inuussutissianut attuuttussiat, inuussutissiat additiverit pineqartut inuussutissianut akussatut aromatut atugassiat pillugit Kommissionip peqqussutaanut (EU) nr. 10/2011-imut 14. januar 2011-meersumut ilanngussaq I-imi aalajangersarneqartut qaangersimassanagit.

Migrationinut tamarmiusutut killissarititat

§ 27. Plastimik atortussianit inuussutissianut attuuttussianit aniatitatut tuniluussinnaasut inuussutissiap qaavanut attuunnermi dm^2 -imi ataatsimi 10 milligramimit annerussanngillat (mg/dm^2).

Plastimit qaleriiaatut suliamit atortussiat inuussutissianut attuuttussiat

§ 28. Plastimit qaleriiaatut inuussutissianut attuuttussialiami plastit qaleriiaat tamarmik immikkut katitigaanerat nalunaarummi matumani plastit pillugit malittarisassianut naapertuuttuussapput.

Imm. 2. Imm.1 apeqqutaatinnagu akuerisaavoq plastip qaleriissaagassap inuussutissiamut toqqaannartumik attuuttussaangitsup aamma inuussutissiamiit assiaqutsikkatut avissaangatitassap:

- 1) nalunaarummi matumani killilersuutitut nassuiaasersukkatullu aalajangersakkanik eqquutsitsinnginnissaa, taamaallaat monomert vinylchlorid-it pinnatik, tak. Kommissionip plastinik atortussiat –piliallu inuussutissianut attuuttussiat pillugit peqqussutaanut (EU) nr. 10/2011, 14. januar 2011-meersumut ilanngussaq I, aamma/imaluunniit
- 2) stoffenik allanik Kommissionip plastinik atortussiat –piliallu inuussutissianut attuuttussiat pillugit peqqussutaanut (EU) nr. 10/2011, 14. januar 2011-meersumut ilanngussaq I-imi taagorneqartunik allaanerusunik suliaasussat.

Imm. 3. Stoffinik imm. 2, nr. 2-mi pineqartunik inuussutissiamut imaluunniit inuussutissianut simulatorimut aniatitsinerni Europa-Parlamentip Rådillu nerukkaatissiat inuussutissiallu pillugit inatsisit aamma uumasut atugarissaartinnissaannik aalajangersakkat uppenarsarniarlugit pisortatigoortumik nakkutilliineq pillugit Peqqussutaanni (EF) nr. 882/2004, 29. april 2004-meersumi artikel 11-mi eqqartorneqartutut misissueqqissaariaatsit malillugit eqqoqqissaartumik uuttortarneqarsinnaanngitsut pillugit 0,01 mg/kg -tut killissarititat eqquutsinniarneqartassapput.

Killissarititaq taanna inuussutissiami imaluunniit inuussutissianut simulatorimi akuusutut tamatigut taaneqartassaaq. Killissarititaq toqunartorsiuinerni allatigullu assigiinngitsutigut misissuinernut atuuppoq aamma tuniluuttuujunnartut ilanngullugit.

Imm. 4. Stoffit plastinit atortussiat suullu piliat inuussutissianut attuuttussat pillugit Kommissionip peqqussutaanut (EU) nr. 10/2011, 14. januar 2011-meersumut ilanngussaq 1-imi allassimangitsut, tak. imm. 2, nr. 2, makkua arlaannaannulluunniit attuumassuteqassanngillat:

- 1) stoffit Europa-Parlamentip Rådillu stoffinik nalunaarsuisarneq, nalunaaqqutsersuisarneq poortuisarnerlu pillugit peqqutssutaannut (EF) nr. 1272/2008, 16. december 2008-meersumut ilanngussaq I-imi punkt 3.5-imi, 3.6-imi aamma 3.7-imi tunngavigisassat, aamma peqqussutip 67/548/EØF-ip 1999/45/EF-illu allannguutaanik atorunnaarsitaaneraniillu peqqussutillu (EF) nr. 1907/2006-ip allannguutaanik peqqussut naapertorlugit mutagenetut, kræftimut pinngorfiusinnaasutut imaluunniit piliareqqinnerini toqunartoqalersitsisinnaasutut nalunaarsukkat
- 2) nanoform-imi stoffit.

Imm. 5. Atortussaq inuussutissianut attuuttussiaq plastinik qaleriissaakkanik inerlugu piliatq aniasinnaasutut nalunaarummi matumani § 26-imi aamma § 27-mi immikkut killissarititanik eqquutsitsissaaq.

Sunulluunniit attuuttussatut atortussiat qaleriissaakkatut suliat

§ 29. Plastit qaleriissaakkat tamarmik immikkut sunulluunniit attuuttussatut atortussiat nalunaarummi matumani plast pillugu malittarissanut naapertuuttuussapput. Taamaakkaluartoq tamanna nalunaarummi matumani §§ 26-27 atortinneqassanngillaq sunulluunniit attuuttussatut atortussiani plastinut qaleriissaakkanut.

Imm. 2. Imm. 1 apeqquataatinnagu plasti qaleriissaagaq, sunulluunniit atortussiatut qaleriissaakkatut suliamiittoq, inuussutissiamullu toqqaannartumik attuuttussaangitsoq tassanngalu assiaqutsikkatut avissaangatitaq stoffinik Kommissionip plastimik atortussiat suullu inuussutissiamut attuuttussiat pillugit peqqussutaanut (EU) nr. 10/2011, 14. januar 2011-meersumut ilanngussaq I-imi allattukkat ilaginngisaannik suliaassaaq.

Imm. 3. stoffit Kommissionip plastimik atortussiat suullu inuussutissiamut attuuttussiat pillugit peqqussutaanut (EU) nr. 10/2011, 14. januar 2011-meersumut ilanngussaq I-imi allattukkat ilaginngisaat, tak. imm. 2, makkunangaanneersuussanngillat:

- 1) stoffit Europa-Parlamentip Rådillu stoffinik nalunaarsuisarneq, nalunaaqqutsersuisarneq poortuisarnerlu pillugit peqqussutaannut (EF) nr. 1272/2008, 16. december 2008-meersumut ilanngussaq I-imi punkt 3.5-imi, 3.6-imi aamma 3.7-imi tunngavigisassat, aamma peqqussutip 67/548/EØF-ip 1999/45/EF-illu allannguutaanik atorunnaarsitaaneraniillu peqqussutillu (EF) nr. 1907/2006-ip allannguutaanik peqqussut naapertorlugit mutagenetut, kræftimut pinngorfiusinnaasutut imaluunniit piliareqqinnerini toqunartoqalersitsisinnaasutut nalunaarsukkat
- 2) nanoform-imi stoffit.

Imm. 4. Plastimik sunulluunniit atortussiami plastit qaleriissakkat tamatigut eqquutsitsissapput Kommissionip plastimik atortussiat suullu inuussutissianut attuuttussiat pillugit peqqussutaanut (EU) nr. 10/2011, 14. januar 2011-meersumut ilanngussaq I-imi monomert vinylchlorid pillugu aalajangersarneqartutut killilersuutinik.

Qallitini uumasuaraajaatit

§ 30. Stoffinik additiverinik qalliutini uumasuaraajaataasussanik atuinerni atortussiami inuussutissiamut attuuttussiamiittuurtussatut naatsorsuussani taamaallaat uumasuaraajaatit ilanngussaq 8-mi taaneqartut atorneqassapput taamaallaallu killilersuutit aamma/imaluunniit nassuiaatit ilanngussami taaneqartut tunngavigalugit.

Vinylchlorid

§ 31. Atortussiat inuussutissanut attuuttussiat vinylchloridimik tuniluussisinnaassanngillat, periaasissaq inuussutissianut atortunut taama ittunut attuutsinneqartunut imaluunniit attuutsinneqartarsimasunut tunngatillugu ilanngussaq 9-mi tunngavigisassatut aalajangersagaq malillugu uppersarsineqarsinnaasunik.

Suut keramiskiusut aamma emaljemik sikassaasikkat igalaaminernillu suliat

§ 32. Suulluunniit keramiskiusut aamma emaljemik sikassaasikkat igalaaminernillu suliat aqerlumik imaluunniit cadmiumimik ilanngussaq 10-mi taaneqartunit annertunerusunik tuniluussisannngillat, taamaattoq tak. imm. 2.

Imm. 2. Keramiskiusut imaluunniit emaljemik sikassaasikkat igalaaminernilluunniit suliat aqerlumik cadmiumimilluunniit ilanngussaq 10-mi taaneqartutut killissarititat sinnerlugit taamaattorli 50 pct. sinnernagu tuniluussippata, suliat inatsisinik unioqquitsinngitsumik tuniniarneqarsinnaapput, atortunik allanik taamatulli ilusilersugaallutillu annertussusilinnik taamatulli pinnersagaallutillu glasurilinnik misissueqqissaarinerit paasinarsisippassuk aqerlumik cadmiumimilluunniit taakkunanngaanniit pisut agguaqatigiissillugu killissarititaasunik ilanngussaq 10-mi taaneqartunik qaangiisimanngitsut aamma taakkua arlaannaanniluunniit killissarititat 50 pct.-imit annertunerusumik qaangerneqarsimanngitsut.

Imm. 3. Suut keramiskiusut aamma emaljemik sikassaasikkat aamma igalaaminernit suliat nalinginnaasumik tunngavigisassatut malittarisassianik naammassinnittuussapput aamma aniatitsisinnaanerit nalunaarummi matumani § 49-mi aalajangersarneqartut immikkut misissorneqartassaaq.

Atortussani inuussutissianut attuuttussiani epoxyderivatit ilaannik atuinernik annikillilerineq

§ 33. Atortut inuussutissianut attuuttussiat tuniluussisannngillat 2,2-bis(4-hydroxyphenyl)propan bis(2,3-epoxypropyl)ether-nik aamma taaneqartartoq "BADGE" (CAS-nr. 001675-54-3), taakkualu aniatitaannik, ilanngussaq II-mi taaneqartunik ilanngussami taaneqartumi aalajangikkatut killissarititanit annertunerusunik.

§ 34. Bis(hydroxyphenyl)methan bis(2,3-epoxypropyl)ethere, aamma taaneqartartoq "BFDGE" (CAS-nr. 039817-09-9) atortunut inuussutissianut attuuttussanut atorneqassanngillat taama ittuniissaniluunniit.

§ 35. Novolac-glycidylethere-t allat aamma taaneqartartut "NOGE" atortunut inuussutissianut attuuttussanut atorneqassanngillat taama ittuniissanatilluunniit.

§ 36. §§ 33-35 atuutissanngillat immersakkanut tankenullu 10.000 literiniit annertunerusumik imaqarsinnaasunut aamma tamakkununga atasutut ruujorinut ingerlaartitsivinnut heavy-duty coatings-inik taagorneqartunik qallersuusukkanut.

§ 37. Annikitsukkuutaatut nioqquteqarfinit allaanerusuni atortut inuussutissianut attuuttussat BADGE-mik tamakkualu derivateriik imalinni § 14-imut naapertuuttut allaganngorlugu uppersaammik ilaqartinneqartassapput. Malittarisassiat eqquutsinneqarnerinut naleqquttunik uppersaatissanik peqassaaq. Uppersaat taama ittoq pisortat oqartussaataitaannut susassalinnut takujumaneqaraangata atugassiissutaasassapput.

Kapitali 9

Migrationinik misiligaanerit

Plastit

§ 38. § 14-imi eqqartorneqartut uppersaasiaq atortunut inuussutissianut attuuttussanut plastimit sulianut tamakkualu akuinut, 31. december 2015 tikillugu nioqqutaasussanut tunngatillugu tunngavigineqassapput:

- 1) nalunaarummi matumani § 47-mi aalajangersarneqartut migrationinik misissuisarnernut malittarisassiat, imaluunniit
- 2) migrationinik misissuisarnernut tamanut immikkullu ittunut tunngaviumik malittarisassiat, §§ 39-45-mi aalajangersarneqartut.

Imm. 2. 1. januar 2016-imiit tunngavigineqartalissapput migrationinik misissuisarnerit pillugit malittarisassiani uppersaatissat § 14-imi eqqartorneqartut, § 46-mi aalajangersarneqartut.

Imm. 3. 31. december 2015 tikillugu additiverit glasfibersizing plastit glasfiberinut qajannaallisaatit atorneqartartut ilanngussa I-imilu allassimasunut ilaangitsut, aarlerinaatillit pillugit naliliiffiginnittarnermik § 48-miittut aalajangersakkanut naapertuutissapput.

§ 39. Plastit pillugit migrationinut (immikkut ittunik tamakkiisuusumillu migrationinut) killissarititanik eqquutsitsinerup misiligarneqartarnera ingerlanneqartassaaq ilanngussa 12-imi migrationit pillugit § 39, imm. 2-4 aamma §§ 40-45 tunngavigalugit nalinginnaasumik aalajangersakkanut naapertuuttumik.

Imm. 2. Migrationinut immikkut ittunik killissarititanik eqquutsitsinernik imm. 1-imi taaneqartut misiligaasarneq piumasagaataaangilaq, uppersarneqarsinnaappat immikkut ittunik killissarititat qaangerneqangitsut migrationinut tamakkiisumik killissarititat eqquutsinneqarpata.

Imm. 3. Migrationinut immikkut ittunik killissarititanik eqquutsitsinernik imm. 1-imi taaneqartut misiligaasarneq piumasagaataaangilaq, uppersarneqarsinnaappat immikkut ittunik killissarititat qaangerneqangitsut, isumaqarnartillugu stoffit sinnikuinik atortussiamiit sakkumiilluunniit tamakkiisumik aniasoqareersimasoq.

Imm. 4. Migrationinut immikkut ittunik killissarititanik eqquutsitsinernik misiligaaneq pisinnaavoq atortussiami allatulluunniit inerlugu suliami stoffip annertussusianik aalajangiinikkut, annertussutit pineqartut aamma stoffimiit migrationit immikkut ittut nalingisa akornanni ataqatigiinneqarnera uppersarneqarsinnaappat misiligaanikkut imaluunniit diffusionsmodellinik ("matematiske modeller") ilisimatuussutsikkut paasisanik tunngavilinnik, nalinginnaasumik ilisimaneqartunik atuinikkut. Atortussiat inuussutissianut attuuttussiat malittarisassianut naapertuutinninnerat uppersiumallugu migrationit nalingatut naatsorsugaq misiligaanertigut uppersarneqartassaaq.

Imm. 5. Phthalater-it ilaat (referencenummer 74640, 74880, 74560, 75100 aamma 75105), tak. ilanngussa 13, pillugit migrationinut killissarititat immikkut ittut eqquutsinneqarsimanerat misiligarneqartassaaq imm. 1 apequtaatinnagu taamaallaat inuussutissiat simulatoriini. Taamaattorli migrationinut killissarititat immikkut ittut eqquutsinneqarsimanerannik misiligaaneq

inuussutissiami pisinnaavoq, inuussutissiaq atortussiamut attuutsinneqareersimangippat tamannalu pitinnagu phthalaterinik akusiorneqarsimappat, annertussutsillu suunnigitsuinnaappata imaluunniit aalajangersakkani killissarititanit annertunerunnigippata naligiinnarpatigilluunniit.

§ 40. Misissueqqissaarinermi periaasissiortoqarsimangippat inuussutissianut pineqartunut migrationit naliliiffigisinnaangorlugit, inuussutissianut simulatorit, inuussutissiat pineqartut suussusiinut naapertuuttut ikiortigalugit naliliisoqartassaaq, tak. ilanngussaq 14.

Imm. 2. Inuussutissianut simulatorikkut migrationip killissaannik misissuisoqassaaq migrationstests ikiortigalugu, tak. ilanngussaq 14.

Imm. 3. Inuussutissianut simulatorinik toqqaaneq pissaaq malittarisassanut ilangussaq 14-imiittunut naapertuuttumik.

§ 41. Simulatorit, plastimik atortussiat inuussutissanut attuuttussat ilaanniit migrationinik misiligaanerni atorqeartussat taakkuupput ilanngussaq 14-imut innersuussutaasut.

Imm. 2. Inuussutissianik orsulinnik inuussutissianut simulatorinut migrationinik misiligaanerit misissoqqissaarnerisa nalingi naliliiffigineqassagaangata pisut ilaanni kisitsit annikillisaat atorqearsinnaavoq. Misissueqqissaarnerit inerneru migrationinut killissarititanut sanilliunnissaat pilersinnagu kisitsit annikillisaat ikiortigalugu naatsorsoqqinneqartassaaq simulatorimi inuussutissiani namminerniit annertussutsitigut annertunerusinnaasut iluarsiniarlugit. Kisitsit annikillisaat inuussutissiat ilaannut ataasiakkaanut tunngatillugu qinerneqartassaaq malittarisassat ilanngussaq 14-imi innersuussutaasut naapertorlugit.

§ 42. Inuussutissianut nuussinnaasut pillugit killissarititanik misiligaaneq ingerlanneqassaaq sivissusissamut aamma kissamut nillimullu tunngassutillit, ilanngussaq 13-imi aalajangersakkat naapertorlugit nalaanneqarsinnaasut, pillugit pingaarutilittut patsisissaatitat tunngavigalugit.

§ 43. Inuussutissanut orsulinnut simulatorit misissueqqissaarinermi periaatsinut tunngassutillit pissutigalugu atorsinnaanginnerat paasineqarpat ilanngussaq 15-imi del A-mi malittarisassat malillugit orsulinnik allatut misiligaasoqarsinnaavoq.

§ 44. Akuerisaavoq ilanngussaq 15, del B-mi allatut misiligaanernik atuinissaq, atortussiamik aalajangersimasumik sanilliussassatut misissueqqissaarinerup paasinarsisippagu allatut misiligaanerup inerneru simulatorinik misiligaanerit inerneriniit annertunerusut imaluunniit naligigaat D1 (ethanol 50 %) imaluunniit D2 (olie naasuneersoq), allatullu misiligaanerni, immaqa kisitsisinik annikillisaatinik malittarisassat ilanngussaq 14-imiittut naapertorlugit atuneq malillugu migrationinut killissarititaq qaangerneqanngitsoq.

§ 45. Migrationinik misissueqqissaarineq naammassineqarpat misissueqqissaarinerup inerneru ilanngussaq 16-imi aalajangersakkat malillugit naatsorsorneqassaaq.

Migrationinik misissuinikkut angusanik taaguisarneq

§ 46. Piumasaqaatit atuuttut equutsinneqarnerat paasiumallugu migrationit nalingi immikkut ittut mg/kg atorlugit taaneqartassapput atortussiamik atuinermi imaluunniit atuissamaarnermi qaavisa imarisaasalu annertussusii eqqortut tunngavigalugit, taamaattorli tak. imm. 2 aamma 3.

Imm. 2. Migrationip nalinga mg/kg-nngorlugu taaneqartassaaq inuussutissiap kg-mut ataatsimut 6 dm²-iusup qaamigut annertussusiata imarisaasalu nikingassutaat tunngavigalugit makkununga tunngatillugu:

- 1) immersakkat allallu suut 500 milliliterinik gramilluunniit ataallugilluunniit imaluunniit 10 liter sinnerlugu imaqartussiat,
- 2) atortut inuussutissianut attuuttussat, ilusaat pissutaalluni qaavisa inuussutissiallu taama ittunut attuuttussat annertussusaasa nikingassutaat missingerneqarsinnaanngitsut,
- 3) folie, suli inuussutissianut attuutsinneqanngitsaq, aamma
- 4) folie, 500 milliliter gramilluunniit ataallugit imaluunniit 10 liter sinnerlugu imalik.

Imm. 3. Puiaasat simii naqiguttakkat, simiit, ussissumillu matusaatit assigisaallu pillugit migrationit immikkut ittut nalingat taaneqartassaaq:

- 1) immersakkatut puup siuliini taaneqartunit matusassap imarisai tunngavigalugit mg/kg-tut imaluunniit mg/dm²-tut matusissutip immersakkallu matusap akornanni kontaktflade tamarmiusoq tunngavigalugu, pineqartup sumut atornissaa ilisimaneqarpat, imm. 2 tunngavigalugu, imaluunniit
- 2) mg/genstand-itut, taassumunnga atuiffissaq ilisimaneqariinngippat.

Imm. 4. Naqiguttakkatut simiit, simiit ussissumillu matusaatit assigisaallu pillugit migrationit immikkut ittut nalingat taaneqartassaaq:

- 1) mg/dm²-tut matusissutip immersakkallu matusap akornanni kontaktflade tamarmiusoq tunngavigalugu, pineqartup sumut atornissaa ilisimaneqarpat, imaluunniit
- 2) mg/genstand-itut, taassumunnga atuiffissaq ilisimaneqariinngippat.

Migrationinut killissarititat ilumut eqquutsinneqarnerannik naliliinerni malittarisassat

§ 47. Atortut inuussutissianut attuuttussiat inuussutissianut attuutsinneqareersut pillugit migrationinut killissarititanik immikkut ittunik misissuisarnek ingerlanneqassaaq ilanngussaq 16, kapitali 1-imut naapertuuttumik.

Imm. 2. Atortut inuussutissianut attuuttussiat suli inuussutissianut attuutsinneqarsimannngitsut pillugit inuussutissiani imaluunniit inuussutissiat simulatoriini migrationinut killissarititanik immikkut ittunik eqquutsitsineq misissuiffigineqartassaaq Kommissionip plastimik atortussiat suullu inuussutissianut attuuttussiat pillugit peqqussutaanut (EU) nr. 10/2011, 14. januar 2011-meersumut ilanngussaq III-mi taaneqartutut ilanngussaq 16, kapitali 2, punkt 2.1.-imut naapertuuttumik.

Imm. 3. Atortut inuussutissianut attuuttussiat suli inuussutissianut attuutsinneqarsimannngitsut pillugit migrationinut killissarititanik immikkut ittunik eqquutsitsineq screeningikkut misissorneqarsinnavoq screeneeriaatsinik ilanngussaq 16, kapitali 2, punkt 2.2.-mi pineqartunik atuinikkut. Screeningikkut misissuinerup paasinarsisippagu migrationinut killissarititat eqquutsinneqanngitsut, eqquutsitsinnginneq uppernarsarneqassaaq imm. 2 naapertorlugu misissuinikkut.

Imm. 4. Atortut inuussutissianut attuuttussiat suli inuussutissianut attuutsinneqarsimannngitsut pillugit inuussutissianut simulatorimi A-mi, B-mi, C-mi, D1aamma D2-imi migrationinut tamarmiusumik killissarititat misissorneqartassapput, tak. Kommissionip plastimik atortussiat suullu inuussutissianut attuuttussiat pillugit peqqussutaanut (EU) nr. 10/2011, 14. januar 2011-meersumut ilanngussaq III, ilanngussaq 16, kapitali 3, punkt 3.1.-imut naapertuuttumik.

Imm. 5. Atortut inuussutissianut attuuttussiat suli inuussutissianut attuutsinneqarsimannngitsut pillugit migrationinut tamarmiusumik killissarititat eqquutsinneqarsimanersut screeningikkut misissorneqartassaaq, screeneeriaatsit ilanngussaq 16, kapitali 3, punkt 3.4.-miittut tunngavigalugit. Screeningikkut misissuinerup paasinarsisippagu migrationinut killissarititat eqquutsinneqanngitsut, eqquutsitsinnginneq uppernarsarneqassaaq imm. 4 naapertorlugu misissuinikkut.

Imm. 6. Inuussutissiani migrationinik immikkut ittunik misissuinerit inerneru inuussutissianut simulatorini misissuinerit inerneriniit salliutitaassapput. Inuussutissianut simulatorini misissuinerit inerneru screeningikkut misissuinerit inerneriniit salliutitaassapput.

Imm. 7. Migrationinik immikkut ittunik tamarmiusutullu migrationinik misissuinerit migrationinut killissarititanut sanilliunneqalersinnagit ilanngussaq 16, kapitali 4-mi iluarsissutitut kisitsisit atorneqartassapput malittarisassanut aamma tassani aalajangersakkanut naapertuuttumik.

Stoffinik EU-p allattugaataani ilaangitsunik naliliisarneq

§ 48. Stofgruppit § 22, imm.1.imi, 2-mi, 4-mi aamma 5-imi aamma § 29, imm. 2-mi taaneqartut Kommissionip plastimik atortussiat suullu inuussutissianut attuuttussiat pillugit peqqussutaanut 14. januar 2011-meersumut ilanngussaq 1-imi ilanngussassat nalunaarsuutaanni ilaangitsut pillugit naliliisoqartassaaq nunani tamalaani ulorianaataasinnaasunik ilisimatuussutsikkut naliliisarnernut akuerisanut naapertuuttumik.

Suut keramiskiusut aamma emaljemik sikassaasikkat igalaaminernillu suliat

§ 49. Atortuniit keramiskiusuniit imaluunniit emaljemik sikassaasikkaniit igalaaminernilluunniit sulianiit aqerlumik cadmiumimillu nuussinnaasut ilanngussaq 17 malillugu paasiniarneqartassapput.

Imm. 2. Atortoq keramiskiusoq tassaappat immersagaq marriamik matulik, aqerlumut cadmiumimullu killissarititaq qaangeqqusaanngitsoq (mg/dm^2 -tut imaluunniit mg/l -tut uuttorlugu) immersakkamuinnaq atuuttutulli ippoq.

Imm. 3. Immersagaq kisimi matuatalu iluatungaata qaava immikkut tamaasa misilinneqassapput patsisissaatitat assigiit tunngavigalugit. Aqerlutut aamma/imaluunniit cadmiumitut annertussutsit marluusut taakku taamaassappat qaavinut imaluunniit immersakkap angissusianuinnaq tunngatitaassapput.

Kapitali 10

Ikaarsaariarnermi aalajangersakkat

§ 50. Atortut inuussutissianut attuuttussiat atortussiat suullu inuussutissianut attuuttussiat pillugit Kalaallit Nunaannut nalunaarummi nr. 890, 22. september 2005-imeersumi malittarisassat malillugit inatsisinut naapertuuttumik nioqqutaasut 1. september 2014 angullugu inatsisinut naapertuuttutut nioqqutaasinnaapput.

Kapitali 11

Pineqaatissiissutit aamma atuutilersitsinermik aalajangersakkat

§ 51. Inatsisit allat malillugit sakkortunerusunik pineqaatissiinissamut pissutissaqanngippat akiliisussanngortitaasinnaavoq §§ 4-6-imi, § 7, imm. 1-imi imaluunniit 3-4-mik, §§ 8-15-imi, §§ 17-18-imi, § 20-mik, §§ 23-24-mik, §§ 26-28-mik, § 29, imm. 1-imi imaluunniit 3-mik, §§ 30-35-mik imaluunniit § 46-mik unioqqutitsisoq.

Imm. 2. Piginneqatigiiffiit il. il. (inatsisitigut ingerlatsisuusut) imm. 1 malillugu akiliisitaasinnaapput.

§ 52. Nalunaarut atuutilerpoq 15. oktober 2013.

Imm. 2. Peqatigisaanik atorunnaassaaq atortut suullu inuussutissianut attuuttussiat pillugit
Kalaallit Nunaannut nalunaarut nr. 890, 22. september 2005-imeersoq.

Fødevarestyrelsi, ulloq 26. september 2013

P.D.V.
HANNE LARSEN

/Mai-Britt Lyngholm Hansen